

*Ecole Ronchi*

# A l'ite da Polenta co-o Salamme DE PËGI 1888 - 1919

## POLEMICHE IN VERSCI ZENEIXI de QUELLO



### SOMMARIO

Præfuzion — Dialogo fra Polenta e Salamme — Dialogo fra Salamme e Polenta — A radhanza in see-a Pria Pölla — A grande Procedon — E n'anve questioin — O gran proesso

PËGI, ARVI 1930

## Prefazion

*Maê cäi concittadin, l'è zà da ûn pessò  
Che foresti e Pëgin, ben ben de spesso,  
Me dixan perché tûtte e maê poexie  
En sce e Quistioin de Gëxe (ch'en sciortie  
Durante o Carlevâ, da quarche annetto).  
No penso a ûnile in te ûn bello libretto,  
Faxendole stampâ, perché i maê versci,  
Che son tanto piaxûi, no vaddan spersci.*

*Ebben! Chi gh'è o libretto, e son contento  
De avei portoû e maê strofe a compimento,  
Chi gh'è e poexie de Gëxe- e co-e antighe,  
Quelle moderne ho ben creddûo de ûníghe  
Zà staête pubblicaê, e tanto atteize  
De Carlevâ, quandे fävo o Marcheize,  
E l'ho faëto, in carossa, pe trez anni!  
Con che piaxeï vestivo quelli panni!*

*Andavo in tûtte e feste, da ogni parte  
E divo versci a tuttì, con bell'arte;  
Se discûteiva con paisen, con mëghi,  
Oppûre co-i Marcheixi, miaê colleghi.  
E-a mascherata maê a l'ea ben gradia  
Perché a tegniva tuttì in allegria,  
Piaxendo queste rimme in moddo tale,  
Che han perscinn-a finio con mûxicale.*

Spero che ghe faiéi bonn-a accogliensa,  
E che nisciûn vorriâ restâne sensa,  
De baêghe ch' emmo avûo ûnn-a volta a Pëgi  
Sempre se recordian, zoveni e vëgi;  
Ma prego, cäi-lettoi de avéi presente,  
Che a stampa a costa, e tegnî pûre a mente  
De lëze o libbro, scì, ma no o prestâ  
A-i ätri! Che se-o vaddan a accattâ!

GIUSEPPE CHIOZZA  
(Quello)



## DIALOGO FRA A POLENTA E - O SALAMME

### POLENTA

Fà o piaxei, scappa da mëzo  
O Salamme mâ composto,  
T'aê cercoû sto brûtto posto  
Da vegnîte a stabili,

Perché chi in te questo paise,  
O mangemmo de porchetto,  
Ti tê faêto d'äze scchetto  
No te poêmo digerî.

### SALAMME

Perché t'aê tanta arrogansa,  
E ti faê da gran caladda?  
T'aê piggioû na brûtta stradda  
Separandote da mî.

Perché essendo ûn pô ciù savio  
Tûtti i grosci mè fan spalla,  
E pe Monscignor Marsalla  
Eo ciû nobile che tî.

### POLENTA

Che t'è nobile me-o credo,  
E a l'é ciaeà ciû che de giorno,  
Perché ti è tuttò d'intorno  
Da i cacciucci cirondoû.

Ti ae a facciata bella nûa,  
Comme un vëro sbarbatello,  
Ti ae e campann-e in t'un fornello  
Comme l'usa a nobilitâê.

Ma quand'ëmo ancon amixi  
Ti-o saviaê, t'ho daêto aggiûtto,  
Pe ti ho faêto un pö de tuttò,  
Perché poësan tiäte sciû.

Quande poi me son accorta  
Che ti vûavi e maê cascette,  
E-e maê banche, e e careghette,  
Ti te a fävi röba têu;

M'ho tornou a piggia a maê roba,  
Sensa stâ a contâ de balle,  
T'ho viroû subito e spalle  
E-o rifaêto o maê cammin.

### SALAMME

T'aê piggiou e mosche pe l'äia,  
Ezo no è questo un caxo raêo,  
Quest'ho faêto, parlo ciaêo  
Sempre con bonn-a intenzion.

Perché gh'emmao tanti vëgi  
Tanti ranghi e maöti, e tante  
Donne in stäto interessante,  
Che no peûan guaêi anda a pê.

E per queste circostanse,  
I Pëgin in generale.

### POLENTA

T'han fundoû pe succursale  
E pe nisciûn ätro fin.

Poi t'aê arsoû talmentè o naso  
Che ti voeivi stâme addosso,  
Perché quarche pesso grosso  
Da-a teû parte o s'è trovoû.

Ma a caxon da nostra lite,  
Cao Salamme, che scommetto,  
Che parlando scchetto e netto  
Ti no me-a saviesci dî.

Compâtindo a teû ignoranza,  
Sta a sentî, te-a diô mi stessa,  
Che a no l'è question de messa  
Ma question grave davvæi.

Quande appenn-a ti è nasciûo,  
Chi te aveiva in ta fascieûa,  
S'è trovoû cõ-a stacca veûa  
No te poëivan ciû allevâ;

Allöa certi tüpi ingordi  
Con ûn frûto spaventoso,  
Pe no dilo vergognoso,  
T'han prestoû dinaê da ûn pô.

Ma cô tempo han riflettûo  
Che a retiase ö capitale  
Se ti stavi soccursale  
Ghe saê staêto da sospia.

E coscî han faêto ûn complotto  
Pe poéi mettite a-o maê posto,  
E poi fâte tardi o tosto,  
'Na parrocchia a so' piaxei.

E se o colpo o ghe riesciva  
Tûtto ti ghe guadagnavi,  
Ma-o profitto che ti fâvi  
O l'andava in bocca a lô.

Mi però vista sta côsa,  
A me païva tanto storta,  
Che ho tentoû de fâ rivolta  
Pe fâ vái a maê raxon.

Ma savendo d'ëse-ricchi  
Han ûsou l'inganno e l'arte  
Pe tegnise e mëgio carte  
E levâme i parocchien.

Tra loiätri e-o sciô Marsalla  
No savendo onde appoggiäse,  
Han cercoû de firme fäse  
Che ghe n'ëa 'de tûtti o coi.

Poi han scrito a Romma a-o Pappa,  
Che con grande maggioransa,  
I Pëgin fävan istansa  
De lasciâ o comando a ti.

Han mandoû via i nostri Parrochi  
Pe a raxon ch'ëan galantommi,  
Pe fâ vedde che son ommi  
Intriganti e sensa chêu.

Ma con tûtti i so reggii  
Ti ti ë ancon mëzo distrûto,  
Lö no piggian ciû de frûto,  
Poi a-a fin tûtto perdian.

*Chi vuol troppo nulla stringe,*  
Dixe ûn bon proverbio antigo,  
E, a 'sti tali, cão amigo,  
O me pâ ben adattoû.

Se taxeivan, e so' scagge  
Presto o tardi rimborsavan,  
E se i pövèi rispettavan,  
Saivan staêti rispettaê,

Ma han commisso a prepotensa  
De scorrî chi n'ëa scimpatico,  
Questo a noiatri o n'ë antipatico,  
No ghe-o voemo, no, no!! no!!!

Mi gh'aviaê, Salamme cão,  
Tante cöse ancon da dîte,  
Ma chi è causa de sta lîte,  
No te-o posso mensûnà.

Ma se poëse parlâ ciaeò  
Pe mostrate sto reggio,  
Ti vegniesci a-ô maê partio,  
Sensa manco ciû parlâ.

Che cedesse a-i to voleri,  
Se t'avesci ancon da credde,  
Ti daiesci da divedde  
Che bon senso ti no n'aê.

Di Pègin son sempre staêta  
A so vera confidente,  
L'ho ascistii continuamente  
Lungo a vitta, e me veuan ben.

E sô sempre a sò parrocchia  
Pe ogni cosa che succede,  
Che guidâ dâ stessa fède,  
No porriô che progredî.



CARLEVA DO 1891

- DIALOGO -

Fra o Salamme e - a Polenta

SALAMME

O Polenta vatte a sconde  
Che ti-ê brûtta de natâa,  
Conoscemmo a tò impostâa  
E con mi ti no ghe-a pêu.

Ti aê piggioû sôbito o petto,  
Ti ê arrestâ pinn-a de motti,  
Te conseggio a fâ fangotti  
E cangiâ d'abitazion.

POLENTA

Cão Salamme, no stâ a dime  
De insolense mâ composte;  
Che in sce tutto gh'ho risposte  
Da tappâ a bocca a ciû d'un.

E te diggo francamente  
Che n'ho puia de dî 'na balla,  
Se no n'ea pe-o Sciô Marsalla,  
Ti saiesci ûn magazzin.

### SALAMME

Questa chi a l'è na calunnia  
 Che ha tioû fêua di mûri brûtti,  
 O san finn-a i sordi e-i mûtti  
 Che ti m'aê sempre aggiuttôu.

Che me fessan poi parrocchia,  
 Ti-o saveivi fin de primma,  
 Che ti me perdesci a stimma,  
 Che ti m'aesci da lasciâ.

Ansi, me soven che allöa  
 Fra i ciû cädi e-i ciû famosi,  
 I fanatici ámbiziosi,  
 Gh'ëa, de certo, i Polentaê.

E no gh'ëa nisciûn partio,  
 Se viveiva in armonia,  
 Tûtto Pëgi aveiva puïa  
 De no veddime allestî;

E co-a scûsa che t'avessan  
 Portoû via o bon e-o bello,  
 Ti ti ë missa a fâ o bordello  
 Istigâ da têu baccan.

### A POLENZA (*scherzando*)

Ti me saësci dî, o Salamme,  
 Un pô o ben che ti m'aê faeto?  
 Cöse a mî ti m'aê mai daêto,  
 Che, se posso, te-o paghiô.

Ma tentoû ti aê de spûggiâme,  
 Pe vestïte ti, Salamme,  
 Ti me voëivi mette à famme,  
 Con portâme via i dinaê.

E da ti no ghe vegnimmo  
 Anche s'aësan d'ammassâne.

### SALAMME

Ti pêu dîne, ti pêu fâne  
 Tanto mi me-a passo ben!

O Polenta, a to despëto  
 Mi ho o consenso di ciû tanti,  
 E no vêuggio, andando avanti,  
 Èse sciaivo de nisciûn.

E se poi de fâ o bordello  
 Ti no foïsci ancon contenta  
 Te spassiemo in ta rûmenta  
 Con levâte de lì ascî.

Perché mi, se ti no-o saësci,  
 Ne-o maê piccolo retiô  
 De corassa son vestiô,  
 E te sfiddo quand'e ti êu.

Notta ben che diggo questo  
 Pe levâte a ciarlaxia,  
 Perchê sò che co-a boxia  
 Ti ne faê de tûtti i cõi.

Ma lasciemmo a parte i schersci  
E tornemmo all'argomento,  
Che me pâgio troppo lento  
Ne-o fâ vaí a maê raxon.

Me sovvegne quello giorno  
Che han posoû a primma priâ,  
Ti no fâvi che allegriâ,  
Ti no fâvi che sâfâ.

Ti faxeivi na caladda  
Che se païmo a cà do diao,  
E mangiando poi l'amão  
Ti n'aê daêto ûn cianto lî.

Ti aê gioû sôbito bandea,  
Che ciû ninte se capiva,  
A têu röba, poi se dîva,  
No te-a voêiva restituî.

Mi però posso assegûate  
Che no gh'ëa ninte de vëo,  
Ma a Polenta tûtta a rëo  
À l'aveîva portâ lê.

E l'è quand'e o Sciô praê Pitta  
Con l'ûnion de tûtto Pëgi  
Parrocchianti nêuvi e vëgi,  
T'han piggioû quarche candê.

E se mai o foïse questo  
O gran 'ben che ti m'aê faêto,  
Quello che ti m'aïvi daêto  
Ti te l'aê torna piggioû.

Poi con fâ da prepotente  
Ti rompivi o sacro patto,  
E ti fâvi ûn brûutto atto  
Despûgiandome ûn artâ.

L'è za ûn pô che ti m'annöi  
Con sta magica dötrinn-a,  
Mi n'ho tosto a testa pinn-a  
No te posso ciû soffrî.

Ma arregordite Polenta  
L'azion brûtta che ti ae faêto,  
Ti m'aê misso in t'ûn gran ciaêto,  
I maê morti ti aê insûltoû;

Che ha dovûo scontäne a penn-a  
Cöse cade, e-o Sciô Merenda,  
Che pe-a maexima faccenda  
Han dovûo piggiâ ö paggiêu.

Ma lasciavan ö ritraêto  
A diverse Maddalenn-e,  
Rincresciose che e seu penn-e,  
No ghe e poeivan ciû contâ.

Poi con fâ da prepotente  
Ti cercavi mandâ vïa,  
I manenti e compagniâ,  
Che no n'ëan da têu opinion.

Quaexi tûtta questa gente  
A saiaê do maê partïo,  
A t'aviaê za daêto o gio,  
Ma a l'ha puïa de perde o pan.

E con tûtte ste commedie  
Che ti faê fra ti e-o canello,  
T'aê ingûgeito ûn rûmescello  
De calûnnie a-e spalle maê.

E parlandote da amigo  
Conclûdiô sempre con dîte,  
Che a caxon da nostra lîte  
O l'è staêto... o tò tûtô.

Ma se sempre ti perscisti  
De vœi vive impûnemente  
Con fâ sempre a prepotente,  
T'âe sbagliôu de carezzâ.

Poi parlando scchetto e netto  
Mi te diggo zû, à Pëginn-a  
Che de questi son reginn-a  
Finn-a ancheû comando mî.



CARLEVÂ DO 1893

A riconciliazion andaeta a monte  
Radunanza in sce-a Prïa Pölla

Ne-a stagion che-e çigae han o trillo,  
Quande e prûxe son comme i balloin,  
E che i äxi han zà perso l'axillo  
Perchê son tormentâe da-i moscoin;

L'è sùccesso na grande adûnanza  
In sce-o schêuggio Prïa Polla ciammôu  
Pe ûn affare de tanta importanza  
Che nisciûn di Pëgin gh'è mancôu.

Se trattava de ûnî i doî partii  
Doppo tanto che son in question,  
Shersci e ciaêti che foisan finii,  
E d'ognûn rispettâ l'opinion.

Mézanêutte da-a Gëxa a sùnnava  
Che s'en missi a parlâ i oratoî,  
E ciascûn di presenti approvava  
Con cioccâghe de man e applaudî.

Ha parlôu: Perdipetti, Sciscillo,  
Penna, Meizia, Mangheûggi, e Laicû  
Mangimocchi, Camuscia e Gippillo  
Puiscin, Biscia, Pigheûggio e Berû.

Bûtto, Ginibri, Maccaronetti,  
Spalla, Cisco, Lebeccin e Gambon,  
Greccio, Boccia, Rebaisa, Faoletti,  
Giggo, Fava, Cassoulo e Denton,  
  
Scrêussua, Taggia, Messuia, Rissetto  
Barbagioëû, Bogre, Nenne, Borsin  
Xan, Quattorzepatatte, Balletto  
Questastâe, Priscinsêua e Dandin,  
  
Mangianêutte, Baiann-a, Ciciotta  
Traita, Gon, Canavassa, e Campâ  
Süeta, Scioetto, Ferrâea, Melinotta  
Pedelungo, Patte, Pin, Pûn, Pâ,  
  
Schisso, Ciocco, Balasse, Nasetta  
Sciobbo, Treggia, Bárudda e Balon  
Santaberta no o creddo e Cascietta  
Cin, Cuccosci, Pariccia e Cialon,  
  
Vaccaneigra, Paccea, Gampedoû  
Gegge, Sciacca, Bamboccio e Rissin  
Pattaiolla, Treicû, Turco e Groû  
Min, Brichetto, Bellanda e Sagrin..  
  
Strepelunn-a, Mifasci e Micara  
Gambemolle, Manann-a e Vovô  
Liccio, Scimia, Cöa, Piccipî e Sciära  
Paxe, Bolli, Camiada, Matalô...  
  
Leccia, Pëgœ, Camoin e Sûcchetta  
Mattalescio, Patûcca, e Baedin  
Scarpalégia, Brichetto e Papetta  
Poeûzzo, Poléo, Strunella e Ballin,

Pisci-pisci, Tambûo con Peelle,  
Mangiabaguin, Caracco e Baggiaen  
Babba, Laico, Scciatinn-a, Gialelle,  
Zegghe, Lampo, Bronzin, Baddasaen,  
  
Gianca, Neigra, Scialin, Cadeâea  
Dugghe, Gancia, Burrasca e Magnan  
Näta, Nöni, Bëlon, Baccilaêa  
Cristi, Diao e Sin, Erbodapan...  
  
Paira, Niga, Canon, Frigogninn-a  
Cillalunga, Piscëa con Cittin  
Cabanetta, Mosicco, Beghinn-a  
Cencio, Ciolle, Pacê, Carolin,  
  
Lelle, Cëgo, Besciûscio, Ciriccio  
Bûttega, Miccio, Réin, Bottigion  
Bondi, Scene, Fûrbetto, Gariccio  
Licugge, Cagnetto, Napolion...  
  
Sciodamazzo, Baletta, Pegollo  
Tangardinn-a, Boccioû, Paesta e Tan  
Cabanê, Cöa, Lebeppe, Cocollo  
Rasca, Mocco, Scicchê, Pesciocan,  
  
Bûgna, Cinn-a, Têuscego, Bûghetta  
Sampê, Frigoli, Mëlo, Pin pin  
Matto, Ciollo, Gilindo, Giachetta  
Dalli, Crava, Boran, Cianciolin.  
  
Giringinn-a, Triliti, Mossigüa  
Battaggia, Bacilla, Dolli e Gen  
Bacciarinn-a, Poccioollo, Formigüa  
Béba, Mirini e Mangiacrestien...

L'agûo, Ninno, Scialûppa, Pepéo  
Betto, Merlo, Babecche, Ciccion  
Poggia, Cielo, Scolaio, Taléo  
Pollin, Gallo, Gallinn-a e Cappon.

Carachetto, Ganascia, Molinn-a  
Fiero, Bililli, Tarino e Balan...  
Brocca, Lolli, Nanaêle, Reginn-a  
Léo, Veleno, Fûgnacca e Paduan.

Pesciopria, e Bibbin in scignöa,  
Bélain, Balleneigre, Frixon,  
Perrûchetta, Petullo, anche Anciöa...  
Zäna, Suritto, Sûnata, Ghiggion...

Quande tûta questa brava gente  
A l'ho avûo terminoû de parlâ,  
E che-o *Bessa*, che-o l'ëa ö Presidente  
O l'ëa lì, zà pe-a paxe firmâ;

Tûtt'assemme se sente ûn fracasso  
Chi caxonn-a na gran confûxion,  
E da â lonxi sbraggiâ : - Faême o passo  
Gh'è o *Ronseggio*, e-o vêu intrâ in  
[discûscion.

E defaêti quest'originale  
Lì davanti s'han visto vegnî,  
Che con vöxe, e con fâ padronale,  
O l'ha dîto : - Eï da stâme a sentî.

Benché mi segge ûn grande ignorante,  
Co-i maê crediti, intrighi, e dinaê,  
Faiô tante ganciaie e poi tante  
Che se vivo no ve accomodaê !

Allôa tûtti con fischi e con cri  
De gran corsa s'en missi a scappâ,  
Coscì existe ancon aöa i partii,  
E chissà quandé a baêga a finiâ.





CARLEVÂ DO 1907

## A GRANDE PROCESCIION DO 1905

### CANSON

Doppo circa dixiêutt'anni  
Ch'ean in lîte fra de lô,  
A Polenta cö-o Salamme  
Se son missi a fâ l'amô;  
E per poei sfogâ a pascion  
Han vosciûo fâ a procescion.

Pe sto grande avvenimento,  
Tûtto ö paise ö s'è sciatoû!  
Son vegnûi da tûtte e parti;  
Ranghi e zembi han camminoû,  
Regordandose e legnaê,  
Che s'ean daêti anni passaê;

Pe-e döe Gëxe l'ëa successo,  
Ne-e famigge de questioin,  
Quante vötte, a quelli tempi,  
N'ho parloû in te maê cansoin!  
Specialmente a Carlevâ,  
Ma no l'éi mai terminâ...

- 23 -

Quando doppo in sce-a Priâ Polla,  
Tûtto Pëgi o s'è adunoû,  
Fra i ciû celebri proverbi,  
Che saviéi v'ho mensunoû,  
Anche lâ, pe conclûxion  
L'è scappouâ quarche patton.

Aöa, doppo tanto tempo  
Che s'ea e cöse ûn pô acquetaê,  
L'è satoû a Polenta a mëzo  
E-a l'ha dïto: - Me ven cöaê,  
Co-a casassa de sciortâ,  
Però voëmo fâ da noi.

O Salamme, ne ghe'o voëmo  
E lazû ne gh'oëmo andâ,  
Se-o so Parrocco o vegnisce,  
O doviescimo açettâ,  
Che se no, diëmo anche a lê  
Stanni pûre dove ti ê.

Dappertûtto rattellavan,  
Queste donne indemoniaê,  
Pe-o Salamme e pe-a Polenta  
E finivan a beccaê.  
Dïva a Leccia: « Eppure a fan »  
E-a Cagaêuve: « A barba a-o can ».

Se partivan a bonn'öa,  
Che no poeivan ciû dormî,  
Pe andâ a mette sottosorva  
Quelli pövei supeiöi,  
E ghe divan l'öemo fâ  
E lô: « Scî ch'a se faiâ ».

E lazû in fondo do viale  
O Curatto han acciappôu,  
E gh'han dîto: « Sciâ l'ammie,  
Che s'è zà sacrificôu  
Ogni cösa, eppoi se-a fan  
No ghe vöemo San Marsian! ».

Quande o Menego o mostrava  
A-e figgette là a cantâ,  
O l'ëa sempre esposto a-o rischio  
De piggia quarche legnâ,  
E ghe dîvan: « Polenton  
Te insegniemo noi a lezion ».

Pe finî questa faccenda  
Se gh'ëa misso o Sciô Polcian,  
Ma o l'ha visto ch'ean testardi  
O se n'ha lavoû e man,  
E-o g'ha dîto: Cäi fìggieu,  
M'ei zà assaê sciûgoû o chêu ».

Ma gh'è staêto Bertallini,  
Che in ta Gëxa o s'è pörtou  
E co-o Parroco in personn-a,  
Pe do bello o l'hâ parloû,  
E-o gh'ha dîto in concluxion:  
« Tûtti o vêuan in procescion ».

E-o Prevosto ö gh'ha risposto,  
Ch'o l'ëa tûtto o so' piaxei,  
E vegnindo a fâ quell'atto  
O compiâva o so' dovei:  
« Dîghe a tûtti che vegniô  
Ben inteso, se porriô ».

S'aësci visto allöa a Polenta  
A sbraggia ch'a no ghe-o vêu,  
O Salamme o n'aviaê ösciûo  
Ch'a vegnisce in casa sêu,  
Cosci e nostre autoritaê,  
Han ciammoû i Polentaê.

E g'han dîto bello ciaeò,  
Se-o Salamme o no ghe vâ,  
Avansaê de fâ da lengua  
Procescion no se ne fâ,  
E-a Polenta ha dovûo dî:  
« Che-o no manche de vegnî ».

Perché l'ëa ben ben do tempo,  
Ch'aïvan tûtto preparou  
Per vestî Santi e Madonn-e,  
Finn-a i öi s'ëa despegnou,  
E dixeivan fra de lô:  
« Ma a se fâ dunquè, scii o no? ».

Quande poi l'è arrivoû l'ordine  
De poei fâ sta Procescion,  
A l'è staêta per o paise  
Unn-a gran consolazion,  
Specialmente pe-i despiaê  
Comme ö figgio de mæ poaê.

E lì a-i quattro de Settembre  
Emmo visto camminâ  
Tanta gente in ta Polenta,  
Che nisciûn se-o pêu scordâ,  
E benchè foise d'euvéi,  
Ghe n'ëa tanta in maê davvéi.

Primma Santa Rosalia

Chi è Patrona, e San Martin,  
Gh'ea Sant'Orsola, assaê bella,  
San Spedito, che cianin  
O l'andava, e pe derê  
Gh'ea lì sùbito, San Pê.

Anche a nostra brava Banda

A no fâva che sùnnâ,  
Seguitâ da-e pellegrinn-e,  
Che innamuâvan co-o cantâ.  
Ma o ciû bello, pe-i Pëgin  
O l'ea a cascia lì vixin.

Pe no mette tanto in mostra

O Praëvosto, radunaê  
Di grén Parrochi a o corteo,  
A le insemme i han mandaê.  
Però a paxe, tanto amâ,  
Chissà quande a se faiâ.



CARLEVÂ DO 1920

SALAMEIDE  
E NÉUVE QUESTION

Canson, mûxicâ da-a Meistra Sciâ Téresa Buzzon

No creddei che questi versci  
Seggian faëti pe difende  
Quarche Praëve, o e sô dottrinn-e,  
Ma giustizia vëgno a rende  
A ûn brav'Ommo chi ha aggiuttoû  
Sempre o pöveo e-o desgrazioû.

Chi l'avesse mai ciû dîto  
Che â-a distanza de trent'anni  
S'addesciaê i partii de Gëxe.  
Torniaê e... gente a tesce inganni,  
De ciû bello poi gh'è ancon  
Ch'en da stessa religion.

\*\*\*

Quante votte a quelli tempi  
N'ho parlou co-e maê poexie,  
Castigandole, schersando,  
Finn-a tanto ch'en finie,  
Ottegnindo a libertaê  
Fra Salammi e Polentaê.

\*\*\*

Emmo visto n'ätra votta  
Da-o Salamme rinnovase  
Queste liti nêuivamente,  
Pe-a raxon d'oëi appropriase  
Tûtto o paise, e dominâ  
E-a Polenta oëi rovinâ.

Notaê ben che questa cosa  
Han pensoû da birbe a fäla  
Quande l'ea vintiçinquanni  
Ch'ea sto Praeve a amministrâla  
E-i so bravi parrocchien  
O stimavan, gh'oeivan ben.

\*\*\*

L'han ciammoû a Zena in Curia  
Han provoû a lusingälo;  
E gh'han dïto, Monscignore  
Molto presto voëmo fälo  
Con o patto de lasciâ  
Tûtto o paise a-o Salamâ.

\*\*\*

Ma scii ö Priô, sdegnosamente  
Ste proposte o rifiûtava,  
E-e so dimiscioin in regola  
Pe traê votte o ghe mandava,  
Poi â-a fin l'ha açettaê,  
Ma se son ben vendicaê.

\*\*\*

E defaëti o gran decreto  
A-a Polenta se spediva,  
E de däne lettûa in Gëxa  
Fito a-o Priô poi se ghe dïva,  
Ma lë troppo addoloroû  
O s'è sempre rifiutoû.

Mentre invece da-o Salamme  
O l'è staëto prevegnûo:  
O decreto ne-a so Gëxa  
Pe traê votte l'han lezûo,  
Provocando proprio lê  
Tûtte e lite che l'è in pê.

\*\*\*

Han poi scriïto a-i superiori  
Che l'ea tûtto bello queto  
E che tûtti ëan ben contenti  
De sto celebre decreto  
Che i Pëgin in concluxion,  
Ëan contenti de st'union.

Figuraêve! i pessi grosci  
A-o Priô gh'han fito imposto  
De lasciâ sûbito o paise,  
E s'intende, anche o so posto:  
E partio o l'è poi davvëi  
Fra o ciû grande despiaxéi.

\*\*\*

A Polenta, manco a dilo,  
No appenn-a a se n'è accorta  
Dè sta trama che ghe fävan  
A l'è sâbito in pê insorta,  
E-a s'è presto incamminâ  
Da-o Salamme a protestâ.

\*\*\*

Torna allöa, comme 'na votta  
A gran scena commensava,  
E là dove l'è o Salamme,  
Se ghe ûrlava, se fischiava,  
E ste gente indemoniaê  
Voëiván mettilo a sasciaê.

Quanta gente gh'ëa, che cri!  
Oh che sciato straordinario,  
Certamente che i Cacciuccî  
Han passoû ûn brûtto guaio:  
Ch'o no sâ mai ciû scordouû,  
Da chi e liti ha provocouû.

\*\*\*

Ätro sciato han torna faêto  
Anche sotto o Municipio.  
E-o sciò Commisaio Régio  
Ch'o l'è ommo de prinçipio  
Giusto, è ottimo italiano  
Da portâ in parmo de man,

\*\*\*

O l'ha scrito tante votte  
A Civili e-a... Cardinali,  
Ma con poca deferensa  
Rispondeivan questi tali,  
Che per forsa o per amô  
Voeivan fâ comm'oëivan lô.

In-ta Societaê Cattolica

Han indito un'adûnanza,  
Pe combatte ste vergogne  
E han deciso fâ l'istanza,  
Perché foisan chi ciammaê  
Tûtti i cappi federaê.

\*\*\*

E defaêti sti scignori  
A discûtte son vegnûi,  
E avvocati di Cacciuccî,  
Quâexi a tûtti son parsciûi,  
E han concluso poi con dì  
A-o decreto d'öbedî.

\*\*\*

Con n'immensitaê de fischi  
S'è discolta l'assemblea,  
E tant'ira aveiva o popolo  
Che defêua aspëtali gh'ëa,  
Che pe no ghe dâ occaxion,  
Han dovûo piggiâ o barcon.

\*\*\*

Coscì in mëzo a sto fermento  
A Polenta a ricorriva,  
Dappertùtto pe arrangiäla  
Ma mai ninte a l'ottegniva,  
Da sta gente sensa chêu  
Che veuan fäse tütto sêu.

\*\*\*

L'è per questo che a Polenta  
A portâ via civilmente  
A s'è missa i propri morti,  
Seguitâ da tanta gente  
A no vâ ciû a battezzâ  
Ne a carega a voéi pagâ.

Manco a vâ ciû a sposà in Gëxa  
A proibisce de dî messa  
E co-i prævi che ghe mandan  
A ghe fâ cgni sgarbatessa,  
A vêu fâne d'ogni cô  
Perchè torne o Sciô Priô.

Aöa poi pe calmâ e gente  
A-à Polenta gh'han proposto,  
De mandäghe quarche fratte  
Ma lë fito a gh'ha risposto :  
« Dîghe pû a chi v'ha mandoû  
Tempo perso e fî streppoû ».

\*\*\*

Mi no so' sti superiori  
Dove tégنان o cervello,  
Perchè invece d'arrangiäla  
Han creoû n'ätro bordello,  
E de néuo sfidâ i Pëgin  
Con mandâ i Benedettin.

\*\*\*

Poéi capî torna che scene  
Che succede giornalmente  
La da-a Gëxa da Polenta,  
Daêto questo grave ambiente  
Se o bon senso o non trionfâ  
Mi no so comme a finiâ.

E coscî tra Romma e Zëna  
Han çercoû de sciatâ Pëgi,  
E de queste belle scene  
Van parlando zoëni e vëgi,  
Ommi e donne dixan s'en  
Di Tedeschi o d'Italien.

\*\*\*

E chi; amixi, mi sospendo.  
Questa lunga maê poexia,  
Che de certo terminiemo  
Quando a lite a sâ finiâ,  
Mi ve l'auguro de chêu  
Pe-a morale, fin d'anchêu.



CARLEVÀ DO 1921

# O gran Processo

Commençoû o 14 Mazzo e terminoû doppo 6 udiense,  
Canson, muxicâ da-o Meistro G. B. Profummo

Mûse maê cæ  
Ve prego anchêu,  
De dâme aggiûtto  
Con tûto o chêu,

Porzeime l'aestro  
E-o chittarin;  
Pe poei grattalo  
Ancûn pittin...

Faême coronn-a  
Con mi cantaê  
O gran processo  
Di Polentaê.



Che aviei sacciûo,  
Grendi e piccin,  
Ha divertio  
Tûtti i Pëgin.

— 35 —

De sta faccenda  
L'è staêto aûtô,  
Chi sempre predica;  
A paxe, e amô.

E-a questo tale  
Ghe dävan man,  
Certe personn-e  
Che tûtti san;

Anche ö Salamme  
No l'ho scordou  
Che natûrale  
O gh'ha aggiuttoû.



Oh ! quanta gente,  
O recordiéi  
Tra ommi e donne  
Ean trentetréi



Accusaê tûtte  
Comme ognûn sà.  
D'insultâ i fratti  
Anche all'artâ.

Ciù n'âtro... Praeve  
L'ea impûtoû  
D'avéi ste donne  
Lê ascî insultoû.

Gh'ëa pe-a difeisa  
De sti imputaê  
Dotti avvocati,  
Celebritaê.



O primmo Giunti,  
Poi Pellegrin  
Che con o Coda,  
Ean vëi campioin.



Citaê a Vötri  
La da-o Pretô  
Con do gran pubblico  
Pe spettatô.

Poi, all'udiensa  
Tûtti i impûtaê,  
O l'ha coñ grazia  
Interrogaê.

Che fra o deponn-e  
E-e discûscioin  
Se fävan anche  
E so raxoin.



E da ûn... bell'osio  
S'è sentio dî  
De cose strane  
Da fâ stûpi.

Han parloû Fratti  
E... cantonê  
Ma scì, e sô accûse  
No stan in pê.

Daêto a parolla  
A-i difensoi  
Han sacciûo fäse  
Di grandi onoî.

Ha parloû Coda  
E Pellegrin,  
Con fâ l'accûsa  
In menissin.



E doppo Giunti  
Bûllo oratô  
O smascherava  
Ciû d'un brûtô.



O l'ha commosso  
E in conclûxion,  
O domandava  
L'assoluzion.

Defaëti tûtti  
Han constataû  
Ch'o l'ëa ûn vero  
Ballon gonfioû.

Perscinn-a a lezze  
Rappresentâ  
Ogni so accûsa  
O l'ha retiâ.



Per questo o Giudiçe  
Ha creddûo ben,  
Che a condannali  
No ghe conven.



Coscî â-a sentensa  
Tanti en restaê  
Subito assolti  
Pöchi i mûltâê.

Appenn-a lesto  
Questo debâ,  
Tûtti s'en missi  
Fitò a cantâ.

A cansonetta  
Ch'ho pubblicoû  
Per queste lîte  
Tempo passoû.



E in scî tranvai  
Ímbandieraê,  
De nêuvo a cäsa  
Son ritornaê.

Coscî con gioia  
Me cai Pëgin'  
Questo processo  
O l'ha avûo fin.

